



International
Labour
Organization

ԱՄՆ ուղեցույցի տեղեկագիր

▶ Ավելի շատ և ավելի լավ աշխատատեղերի ստեղծում

Կայուն ձեռնարկություններն արդար
անցման համար ներառումն
Ազգային մակարդակում
սահմանված գործողություններում





► Հիմնական ուղերձներ

Ազգային մակարդակում սահմանված գործողություններն (ԱՍԳ) երկրների կողմից ստանձնած պարտավորություններ են՝ կլիմայի փոփոխությանն անդրադառնալու և Փարիզյան համաձայնագրի նպատակներին հասնելու համար: ԱՍԳ-ն կարող է ծառայել և իբրև ազգային ներդրումային ծրագիր, և իբրև ազգային զարգացման ծրագիր՝ հաճախ թողնելով հետևանքներ ամբողջ տնտեսության վրա: Արդար անցման սկզբունքների ինտեգրումը ԱՍԳ-ում կլիմայական հավակնության իրականացման հիմնական խթանիչն է ու կայուն զարգացման շարժիչը:

Կայուն ձեռնարկությունների զարգացումը անհրաժեշտ է երկրների համար իրենց ԱՍԳ-ին՝ հասնելու, արդար անցումը խթանելու և արժանապատիվ աշխատանքի հնարավորությունները մեծացնելու համար: Տարբեր տեսակի և չափի կայուն ձեռնարկությունները հանդես են գալիս որպես տնտեսական աճի և նորարարության շարժիչ ուժեր, առաջնային են ավելի շատ և ավելի լավ աշխատատեղեր ստեղծելու համար և հիմնարար դեր ունեն դեպի կայուն և ներառական տնտեսությունների անցումը առաջ մղելու համար:

Այս տեղեկագիրը տրամադրում է ուղեցույց ԱՍԳ-ում արդար անցման համար կայուն ձեռնարկությունների ինտեգրման վերաբերյալ: Այն նախատեսված է կայուն ձեռնարկությունները խթանող մասնագետների, ինչպես նաև իրենց երկրների ԱՍԳ-ում ներգրավված կառավարությունների, աշխատողների ու գործատուների կազմակերպությունների ներկայացուցիչների համար:



Արդար անցումը խթանում է շրջակա միջավայրի առումով կայուն տնտեսությունների զարգացումը, որը ներառական է և ստեղծում է արժանապատիվ աշխատանքի հնարավորություն, նվազեցնելով անհավասարությունը՝ չանտեսելով ոչ ոքի: Այն ներառում է հանուն կլիմայի և բնապահպանական գործողություններից բխող սոցիալական ու տնտեսական հնարավորություններն առավելագույն օգտագործումն, այդ թվում՝ կայուն ձեռնարկությունների համար նպաստավոր միջավայրի ձևավորումը՝ միաժամանակ նվազեցնելով և զգուշորեն կառավարելով առկա մարտահրավերները:

Որո՞նք են ձեռնարկությունների և
այնտեղ աշխատողների համար
կլիմայի փոփոխության հիմնական
սպառնալիքները և դրան
առնչվող միջոցառումները:



▶ հիմնական սպառնալիքները

▶ Կլիմայի ազդեցությունը սպառնում է բնությունից կախվածություն ունեցող բիզնեսներին.

Նման ազդեցությունները ռիսկեր են ստեղծում տարբեր ոլորտներում բազմաթիվ ձեռնարկությունների համար, որոնք ուղղակիորեն կամ անուղղակիորեն կախում ունեն բնությունից՝ ապրանք ստեղծելու և ծառայություններ մատուցելու համար:

▶ Ծայրահեղ եղանակային երևույթները զգալի սոցիալական և տնտեսական ծախսերի հետ են կապված.

Դրանք կարող են վնաս պատճառել բիզնեսի ունեցվածքին, խաթարել նրա գործունեությունը և մատակարարման շղթաները, հանգեցնել աշխատատեղերի կորուստի, նվազեցնել արտադրողականությունը և վտանգել աշխատողների և գործատուների առողջությունն ու անվտանգությունը:

▶ Անհավասար անցումը որոշակի մարտահրավերներ է առաջացնում.

Դրանք կարող են տատանվել ֆինանսավորման պակասից և ձեռնարկությունների համար համապատասխանության պահանջների փոփոխությունից մինչև աշխատողների համար սոցիալական պաշտպանության բացերը: Մարտահրավերները կարող են սրվել, եթե բացակայում է սոցիալական երկխոսությունը և եթե ոչ ֆորմալ տնտեսությունը հաշվի չի առնված կլիմայական քաղաքականություններում:

▶ Ըներգետիկ անապահովության ռիսկ.

Մատչելի, հուսալի և կայուն էլեկտրաէներգիայի սահմանափակ հասանելիությունը, որը պակասում է կլիմայական ցնցումների և անցումային բարձր ծախսերի պատճառով, ստեղծում է ֆինանսական և գործառնական ռիսկեր բոլոր տեսակի և չափի ձեռնարկությունների համար:

▶ Զեռնարկատիրական սպեկտրի բազմազան սպառնալիքներ.

Զեռնարկատիրական սպեկտրի տարբեր ոլորտներում միկրո, փոքր և միջին ձեռնարկությունները (ՄՓՄԶ), ոչ ֆորմալ տնտեսության տնտեսական միավորները, կոոպերատիվները և այլ սոցիալական և համերաշխության տնտեսության (ՍՀՏ) միավորները, ինչպես նաև խոշոր ձեռնարկությունները բախվում են կլիմայի փոփոխության և դրան առնչվող քաղաքականությունների բազմազան ռիսկերի:

**Ինչպիսի՞ հնարավորություններ
կարող են քաղել երկրները՝ իրենց
ԱՍԳ-ում արդար անցման համար
կայուն ձեռնարկությունների վրա
կենտրոնանալով:**



▶ Հնարավորություններ

▶ **Տնտեսական աճի ապահովում՝ սոցիալական, բնապահպանական և զբաղվածության ոլորտի ձեռքբերումներ**

կայուն ձեռնարկությունների միջոցով, երբ գործող ոլորտները վերափոխվում են, իսկ ցածր արտանետումներով ոլորտները՝ զարգանում:

▶ **Տնտեսական դիվերսիֆիկացում՝ նոր բիզնես հնարավորություններով**

միաժամանակ բարձրացնելով արտադրողականությունը, նորարարությունը և մրցունակությունը:

▶ **Կանաչ և դիմակայուն բիզնեսների միջոցով կլիմայի մեղմման և հարմարվողականության նպատակների իրականացում**

երբ տարբեր տեսակի և չափի կայուն ձեռնարկությունները նվազեցնում են ածխաթթու գազի արտանետումները, հարմարվում կլիմայական ռիսկերին, զարգանում նոր շուկաներում, պաշտպանում աշխատողներին և ստեղծում արժանապատիվ աշխատատեղեր:

▶ **Նորարարության և տեխնոլոգիական փոխանցման խթանում,**

քանի որ կայուն ձեռնարկություններն ընդունում և տեղայնացնում են Էկոլոգիապես բարենպաստ տեխնոլոգիաներ, բարձրացնում արդյունավետությունը, կրճատում ծախսերը, ընդլայնում շուկայի հասանելիությունն ու մշակում նորարարական բիզնես մոդելներ:

▶ **Մատակարարման և արժեքի շղթաների ամրապնդում**

բիզնեսների դիմակայունության զարգացմամբ, արտանետումների նվազեցմամբ, պատասխանատու բիզնես գործելակերպի պահպանմամբ և արտադրության բոլոր մակարդակներում արժանապատիվ աշխատանքին աջակցելով:

▶ **Չանտեսելով ոչ մի բիզնես և աշխատող՝**

քանի որ կայուն ձեռնարկությունների զարգացման միջոցով արդար անցումը հզորացնում է սոցիալ-տնտեսապես խոցելի խմբերին, խթանում է ներառականությունը ցածր ածխածնային դիմակայուն տնտեսությունում և աջակցում է ոչ ֆորմալ տնտեսության ֆորմալացմանը:

▶ **Արդար անցման համար ֆինանսական ներդրումների խթանում**

հանրային և մասնավոր աղբյուրներից ու ֆինանսական հաստատություններից՝ անցման բնապահպանական և սոցիալական հիմքերին աջակցելու և կայուն ձեռնարկություններին՝ սկսած ՄՓՄԶ-ից և կոոպերատիվներից մինչև խոշոր ընկերություններ, հնարավորություն տալու նվազեցնել արտանետումները, բարձրացնել դիմակայունությունը, ձեռնարկել ձեռնարկությունների մակարդակի անցումային գործընթացները և ստեղծել արժանապատիվ աշխատատեղեր:

Ի՞նչ է անհրաժեշտ հաշվի առնել կայուն ձեռնարկությունները ԱՍԳ-ում ինտեգրելիս:

- **ԱՍԳ-ի մշակման փուլում արդյունավետ սոցիալական երկխոսության ապահովում.** որը հիմնարար նշանակություն ունի իրական տնտեսության դերակատարների՝ մասնավորապես՝ աշխատողների և գործատուների կազմակերպությունների տեսակետներն ու մտահոգությունները հասկանալու համար:
- **ԱՍԳ-ում արդար անցման ամուր հիմքով ամրակայում.** կլիմայական նպատակների և արդար անցման միջև ամուր կապերի հաստատումը էական կլինի հանուն կլիմայի գործողության սոցիալական և զբաղվածության բաղադրիչները հասցեագրելու համար:
- **Չանագան կայուն ձեռնարկությունների դիտարկումը իբրև գործողություն հանուն կլիմայի և արժանապատիվ աշխատանքի շարժիչ ուժեր.** բացահայտ կերպով ընդգծելով տարբեր տեսակի և չափի կայուն ձեռնարկությունների, այդ թվում ՄՓՄՁ-ների և կոոպերատիվների ու այլ ՍՀՏ միավորների դերը բնապահպանական, սոցիալական և զբաղվածության ոլորտներում ձեռքբերումներ ապահովելու գործում:
- **Կայուն ձեռնարկությունների համար նպաստավոր միջավայրի ներդրում.** ԱՍԳ-ում հստակորեն ներառելով նպաստավոր միջավայր, որը կարող է ապահովել քաղաքականության որոշակիություն և ձեռնարկությունների զարգացման նկատմամբ հստակ հանձնառություն այնպիսի ոլորտներում, ինչպիսիք են բիզնեսի զարգացման ծառայությունների մատուցումը, խթանիչների կամ սուբսիդիաների առաջարկը, կարգավորող կամ քաղաքականության բարեփոխումների իրականացումը և այլն:
- **Մատակարարման և արժեքի շղթաների զարգացման և ամրապնդման վրա կենտրոնացում.** ԱՍԳ-ում ուղղագծել նոր ապրանքների կամ հումքով պայմանավորված մատակարարման և արժեքի շղթաներ կառուցելու և եղածների դիմակայունությունը բարձրացնելու ուղիները:



Պատասխանատու գործարար վարքագծի խթանում.

ձեռնարկությունների կլիմայական և բնապահպանական գործողություններում արժանապատիվ և արտադրողական աշխատանքի նկատառումների ներդրումը և համապարփակ գնահատման միջոցառումները: ԱՄԿ-ի՝ բազմազգ ձեռնարկություններին և սոցիալական քաղաքականությանն առնչվող սկզբունքների եռակողմ հռչակագիրը (ԲԱՁ Հռչակագիր), Մարդու իրավունքների վրա բիզնեսի ազդեցության մասին ՄԱԿ-ի առաջնորդող սկզբունքները և Տնտեսական համագործակցության և զարգացման կազմակերպության (ՏՀՀԿ) Պատասխանատու բիզնես վարքագծի վերաբերյալ բազմազգ ձեռնարկությունների համար ուղեցույցը ներկայացնում են ձեռնարկությունների համար համապատասխան ուղեցույցներ արդար անցման համատեքստում:



ԱՍԳ-ում կայուն ձեռնարկությունների զարգացման և արդար անցման նպատակների ֆինանսավորման ինտեգրում.

հստակ կապերի ստեղծում կլիմայական և արդար անցման նպատակները ֆինանսավորման ռազմավարությունների հետ, որը մոբիլիզացնում է հանրային և մասնավոր ֆինանսական միջոցները և հեշտացնում կապիտալի հասանելիությունը բոլոր տեսակի և չափի ձեռնարկությունների համար:



Ածխածնի շուկաների օգտագործում կայուն ձեռնարկությունների և արժանապատիվ աշխատանքի համար.

Ներառելով ԱՍԳ-ում պարտավորություններ, որոնք կաջակցեն բոլոր տեսակի և չափի ձեռնարկությունների մասնակցությանն ածխածնի շուկաներին՝ արդար անցում իրականացնելու համար:



Պարտավորվելով իրականացնել ԱՍԳ-ն աշխատանքի աշխարհի դերակատարների մասնակցությամբ.

ապահովելով ամբողջական կառավարություն և ամբողջական հասարակություն մոտեցումը, որն ընդգրկում է աշխատողների և գործատուների կազմակերպություններին, համապատասխան նախարարություններին, ֆինանսական հաստատություններին և ձեռնարկությունների աջակցության գործակալությունները՝ բոլորի համար արդար անցումն ապահովելու համար:

1. Ի՞նչ են ազգային մակարդակում սահմանված գործողությունները:

Ազգային մակարդակում սահմանված գործողությունները (ԱՍԳ) կլիմայական պարտավորություններ կամ կլիմայական ծրագրեր են, որոնք երկրները իրենց կողմից սահմանում են Փարիզյան համաձայնագրի շրջանակում:¹ Դրանք ուրվագծում են յուրաքանչյուր երկրի հանձնառություններն ու գործողությունների պլաններն՝ ուղղված արտանետումների կրճատմանը գլոբալ նպատակին հասնելու համար՝ ջերմաստիճանի բարձրացումը 1.5°C-ով սահմանափակելու, ինչպես նաև կլիմայական ազդեցություններին հարմարվելու համար, միաժամանակ սահմանելով այդ ջանքերի համար համարժեք ֆինանսական աջակցություն ապահովելու ուղիները: ԱՍԳ-ն պետք է վերանայվի յուրաքանչյուր հինգ տարին մեկ՝ աստիճանաբար ավելի բարձր հավակնություններով, արտացոլելով յուրաքանչյուր երկրի կարողությունները: Գործողությունները քաղաքական աջակցություն ունեցող ծրագրեր են, որոնք հաճախ հաստատվում են կառավարության ամենաբարձր մակարդակներում:²

ԱՍԳ-ն համատեղ որոշում է, թե արդյոք աշխարհը կարող է հասնել Փարիզյան համաձայնագրի երկարաժամկետ նպատակներին, այն է՝ ջերմոցային գազերի (ԶԳ) համաշխարհային ընդհանուր արտանետումների զգաթնակետին՝ հնարավորինս շուտ, որին կհաջորդի դրանց արագ կրճատումը՝ հիմնված առկա լավագույն գիտական տվյալների վրա: ԱՍԳ-ն կարող է նաև ծառայել հարմարվողականության առաջնահերթությունները սահմանելու համար, որոնք ավելի ու ավելի մեծ մտահոգություն են առաջացնում, հատկապես զարգացող երկրների համար: 2015 թվականին Փարիզյան համաձայնագրի ընդունումից ի վեր երկրները զգալի առաջընթաց են գրանցել և կարևոր պարտավորություններ են ստանձնել: Այնուամենայնիվ, իրենց ԱՍԳ-ում երկրների կողմից ստանձնված պարտավորությունները բավարար չեն, քանի որ կանխատեսվում է աշխարհի ջերմաստիճանի բարձրացում 2.6-ից 3.1°C այս դարի ընթացքում:³ Երկրները մշակում են ԱՍԳ-ի իրենց երրորդ փուլի տարբերակները (հաճախ անվանում են ԱՍԳ 3.0), որը պետք է իրականացվի 2025 թվականին և ներկայացնում է կարևոր հնարավորություն՝ հավակնությունները բարձրացնելու՝ կրճատելով արտանետումների ճեղքվածքը:

▶ 1.1. Ինչպե՞ս են ԱՍԳ-ում փոխկապակցվում կայուն զարգացումը և արդար անցումը:

Չնայած ԱՍԳ-ն կլիմայի փոփոխության մեղմման և հարմարվողականության ազգային ծրագիր է, դա կարող է նաև ծառայել որպես «ազգային ներդրումային ծրագիր և ազգային զարգացման ծրագիր»:⁴ Այն հաճախ ունի հետևանքներ ամբողջ տնտեսության վրա և հնարավորություն է տալիս իրականացնել կայուն զարգացման ուղղությամբ փոխակերպող տեղաշարժ, որը հստակորեն անդադրառնում է հանուն կլիմայի գործողության սոցիալական և զբաղվածության բաղադրիչներին: Բացի այդ, ԱՍԳ-ն կարող է խթանել տնտեսական աճը, նպաստել տնտեսական դիվերսիֆիկացմանը և ներդաշնակեցնել ֆինանսական հոսքերը՝ միաժամանակ բացահայտելով կայուն ձեռնարկությունների և արժանապատիվ աշխատանքի ներուժը՝ խթանելով ավելի շատ և ավելի լավ աշխատատեղերի ստեղծումը:

1 Ավելի շատ տեղեկությունների համար տե՛ս՝ [Ազգային մակարդակում սահմանված գործողություններ \(ԱՍԳ\)](#):

2 Ավելի շատ տեղեկությունների համար տե՛ս՝ [Ի՞նչ է ԱՍԳ-ն և ինչպե՞ս է այն խթանում հանուն կլիմայի գործողությունը](#):

3 Շրջակա միջավայրի վերաբերյալ ՄԱԿ-ի ծրագիր, 2024թ.: [Արտանետումների ձեղքվածքի մասին զեկույց 2024թ.](#) :

4 Ավելի շատ տեղեկությունների համար տե՛ս՝ [Ամեն ինչ ԱՍԳ-ի մասին](#):

Արդար անցման սկզբունքների ինտեգրումը ԱՄԳ-ում ծառայում է որպես կլիմայական հավակնության իրականացման հիմնական խթանիչ և կայուն զարգացման շարժիչ⁵։ Արդար անցումը խթանում է շրջակա միջավայրի տեսանկյունից կայուն տնտեսությունները ներառական ձևով՝ ստեղծելով արժանապատիվ աշխատանքի հնարավորություններ, նվազեցնելով անհավասարությունը և չանտեսելով ոչ ոքի։ Այն ենթադրում է հանուն կլիմայի և բնապահպանական գործողության սոցիալական և տնտեսական հնարավորությունների առավելագույն օգտագործում, ներառյալ կայուն ձեռնարկությունների համար նպաստավոր միջավայրը, միաժամանակ նվազագույնի հասցնելով և զգուշորեն կառավարելով մարտահրավերները⁶։ Բացի այդ, արդար անցումը նպաստում է քաղաքականության համաձայնեցվածությանը բոլոր մակարդակներում և տարբեր ոլորտներում՝ խթանելով բնապահպանական, սոցիալական և տնտեսական բաղադրիչների հանդեպ ինտեգրված մոտեցումը։ Չափազանց կարևոր է, որ այն հիմնված է արդյունավետ սոցիալական երկխոսության վրա՝ տնտեսության իրական դերակատարների՝ աշխատողների և գործատուների ակտիվ մասնակցությամբ, ինչպես նաև շահագրգիռ կողմերի ներգրավմամբ, ինչը ապահովում է ԱՄԳ-ում ներգրավվածության համընդհանուր զգացումը։

ԱՄԳ-ի առանցքային դերը կլիմայի քաղաքականության ձևավորման մեջ

ԱՄԳ-ն առաջնորդում է ջանքերը ինտեգրելու կլիմայական քաղաքականության գործընթացներում կլիմայական և բնապահպանական փոփոխությունների սոցիալական և զբաղվածության բաղադրիչները՝ միջազգային, տարածաշրջանային և ազգային մակարդակներում։

ԱՄԳ-ն կարևոր մեկնարկային կետ է արդար անցումն առաջ մղելու համար կայուն ձեռնարկությունների խթանման և արժանապատիվ աշխատանքի ստեղծման նպատակով՝ հիմնվելով 2015 թվականի ԱՄԳ-ի [Բոլորի համար Էկոլոգիապես կայուն տնտեսությունների և հասարակությունների արդար անցման համար ուղեցույցների](#) վրա։ Այս առումով, ԱՄԳ Ուղեցույցները տրամադրում են համապարփակ շրջանակ, որը ներառում է քաղաքականություններ ինը հիմնական ոլորտներում՝ մակրոտնտեսական և աճի քաղաքականություններ, արդյունաբերական և ոլորտային քաղաքականություններ, ձեռնարկատիրական քաղաքականություններ, հմտությունների զարգացում, աշխատանքի անվտանգություն և առողջություն, սոցիալական պաշտպանություն, ակտիվ աշխատաշուկայի քաղաքականություններ, իրավունքներ, ինչպես նաև սոցիալական երկխոսություն և եռակողմ համագործակցություն։ Աշխատանքի միջազգային համաժողովի 2023 թվականի [Բանաձևը](#) ԱՄԳ ուղեցույցները հաստատել է որպես քաղաքականության մշակման կենտրոնական ուղեցույց և արդար անցման գործողության հիմք։ Այն նաև կոչ է անում ապահովել քաղաքականության համաձայնեցվածությունը բոլոր մակարդակներում և տարբեր ոլորտներում, ինչպես նաև ներդնել արդար անցման համար բավարար ֆինանսավորման դրույթներ։

ԱՄԳ-ում արդար անցման հարցերը հասցեագրելու նպատակով [ԱՄԳ-ն պատրաստ է աջակցել երկրներին](#) մշակել իրենց ազգային կլիմայական ծրագրերը, որոնք ա) հիմնված են ազգային առաջնահերթությունների վրա, բ) անդրադառնում են կլիմայական փոփոխությունների և կլիմայական միջոցառումների սոցիալական և զբաղվածության ազդեցություններին, գ) առաջարկում են գործնական սկզբնակետեր, դ) հիմնված են սոցիալական երկխոսության և շահագրգիռ կողմերի ներգրավվածության վրա, և ե) ուշադրություն են դարձնում խոցելի խմբերի կարիքներին։

ԱՄԳ-ն համագործակցում է իր եռակողմ գործընկերների՝ 187 Անդամ պետությունները ներկայացնող կառավարությունների, գործատուների և աշխատողների կազմակերպությունների հետ՝ հանուն կլիմայի գործողությունում արժանապատիվ աշխատանքի և սոցիալական արդարության հարցերը արձարծելու համար։

5 ԱՄԳ, 2024թ. [ԱՄԳ-ի օգտագործումը որպես արդար անցման միջոց՝ հանուն կլիմայի գործողության հավակնոտ իրականացման գործում](#)։

6 Աշխատանքի միջազգային համաժողով, 2023թ.։ [Բոլորի համար Էկոլոգիապես կայուն տնտեսությունների և հասարակությունների արդար անցման վերաբերյալ բանաձև](#)։

2. ԻՆՉՈ՞Ր Կայուն ձեռնարկությունները Էական նշանակություն ունեն ԱՍԳ-ի հաջողության համար:

Կլիմայի հետ կապված սոցիալական, տնտեսական և բնապահպանական ազդեցությունների, ինչպես նաև քաղաքականության իրականացման խաչմերուկում գործում են արտադրության, գյուղատնտեսության, էներգետիկայի, տրանսպորտի, հանքարդյունաբերության և այլ ոլորտների ձեռնարկություններ: Այս ձեռնարկությունները կարող են լինել մասնավոր կամ հանրային, տարբերվել չափերով և տեսակով՝ սկսած միկրո, փոքր և միջին ձեռնարկություններից (ՄՓՄՁ) և կոոպերատիվներից ու այլ սոցիալական և համերաշխության տնտեսության (ՍՀՏ) միավորներից մինչև խոշոր բազմազգ կորպորացիաներ: Ավելին, մինչդեռ տարբեր ձեռնարկություններ գործում են ֆորմալ տնտեսությունում, տնտեսական միավորների մեծ մասը, հատկապես զարգացող երկրներում, ոչ ֆորմալ են: Մեծ մասամբ, նման ոչ ֆորմալ ձեռնարկությունները որպես կանոն միկրոձեռնարկություններ (ներառյալ ինքնազբաղներին) և փոքր ձեռնարկություններ են:⁷

Չնայած բոլոր տեսակի և չափի ձեռնարկությունները կենսական դեր ունեն երկրների սոցիալական և տնտեսական դաշտում, դրանք՝

- ▶ բախվում են զգալի մարտահրավերների և խափանումների՝ պայմանավորված կլիմայական և բնապահպանական փոփոխություններով ու դրանց արձագանքող քաղաքականությունների միջոցառումներով, սակայն միևնույն ժամանակ
- ▶ արդար անցման առաջխաղացման, ցածր ածխածնային դիմակայուն տնտեսություններ կառուցելու, արժանապատիվ աշխատանք ստեղծելու և ավելի շատ ու ավելի լավ աշխատատեղերի ստեղծման շարժիչ ուժ հանդիսանալու հիմնարար դերակատարներն են:

ԱՍԳ-ի պատկերացման և նախագծման եղանակը լուրջ հետևանքներ ունի ձեռնարկությունների համար, քանի որ այս կլիմայական ծրագրերը հաճախ ընդգրկում են բազմաթիվ ոլորտներ և ծավալվում են *ամբողջ տնտեսության* վրա: Սա հատկապես արդիական է, քանի որ ձեռնարկությունները խթանում են տեխնոլոգիական և կազմակերպչական փոփոխությունները, ինչպես նաև մշակում են նորարարական լուծումներ և ապրանքներ, որոնք անհրաժեշտ են կլիմայական, սոցիալական և տնտեսական նպատակներին հասնելու համար: Միևնույն ժամանակ ձեռնարկությունները շարունակում են բախվել լուրջ մարտահրավերների, ինչպիսիք են նախնական ներդրումների բարձր ծախսերը, սահմանափակ ֆինանսավորումը, հմտությունների պակասը, մատչելի տեխնոլոգիաների հասանելիության բացակայությունը և այլն: Որպես քաղաքականության հիմնական գործիք, ԱՍԳ-ն կարող է աջակցել կայուն ձեռնարկությունների զարգացմանը, հատկապես, եթե նախատեսված ներդրումները ներառում են բարենպաստ բիզնես միջավայր խթանելու դրույթներ՝ նպաստելով արդար անցմանը բոլորի համար և ապահովելով, որ հանուն կլիմայի գործողությունները *կենսունակ են բիզնեսների համար և մարդակենտրոն* են:

7 ԱՄԿ, 2021: [Ձեռնարկությունների ֆորմալացում. Ներածություն](#): Թեմատիկ համառոտագիր 1/2021:

► 2.1. Ի՞նչ հիմնական սպառնալիքներ են առկա ձեռնարկությունների և նրանց աշխատողների առջև կլիմայի փոփոխության և դրա հետ կապված միջոցառումների պատճառով:

Կլիմայի ազդեցությունը մի շարք սպառնալիքներ է ներկայացնում բոլոր տեսակի և չափի ձեռնարկությունների, ինչպես նաև այնտեղ աշխատողների համար: Բացի այդ, որոշ կլիմայական միջոցառումներ կարող են մարտահրավերներ առաջացնել, որոնք կարող են բացասաբար ազդել բիզնեսների վրա: Այս սպառնալիքները կարող են խթանել արտադրողականությունն ու մրցունակությունը, սահմանափակել ձեռնարկությունների աճելու և արժանապատիվ աշխատատեղեր ստեղծելու կարողությունը և, ի վերջո, ազդել ամբողջ տնտեսության վրա:

► Կլիմայի ազդեցությունը սպառնում է բնությունից կախում ունեցող ձեռնարկություններին

Շատ ձեռնարկություններ ապավինում են կայուն և առողջ միջավայրին՝ ապրանքներ և ծառայություններ արտադրելու և մատուցելու համար, և ունեն ուղղակի կախվածություն բնությունից գյուղատնտեսության, հանքարդյունաբերության կամ էկոտուրիզմի նման ոլորտներում և անուղղակի կախվածություն՝ սննդի և ըմպելիքների արտադրությունում, հագուստի արդյունաբերությունում կամ շինարարությունում: Էկոհամակարգի ծառայություններն, օրինակ՝ բերքի փոշոտումը կամ օդի մաքրումը, նույնպես ազդում են ներդրման քանակի և որակի վրա:⁸ Քանի որ կլիմայի վրա ազդեցությունները ուժեղանում են, և ռեսուրսների սղությունն աճում է, բոլոր տեսակի և չափի ձեռնարկությունները բախվում են աճող ռիսկերի հետ:

► Ծայրահեղ եղանակային երևույթները զգալի սոցիալական և տնտեսական ծախսերի հետ են կապված

Ծայրահեղ եղանակային երևույթների, ինչպիսիք են երաշտները, ջրհեղեղները, տապի ալիքները և անտառային հրդեհները, նրանց հաճախականությունն ու ծանրությունն անմիջականորեն ազդում են ձեռնարկությունների, աշխատողների և ամբողջ տնտեսության վրա: Այս ազդեցությունները հատկապես լուրջ են զարգացող երկրներում, սակայն չեն չրջանցում նաև զարգացած երկրներին:⁹ Գնահատականները ցույց են տալիս, որ 2014-2023 թվականների միջև ընկած ժամանակահատվածում կլիմայի հետ կապված ծայրահեղ եղանակային երևույթները համաշխարհային տնտեսությանը հասցրել են ավելի քան 2 տրիլիոն ԱՄՆ դոլարի վնաս և ազդել մոտ 1.6 միլիարդ մարդու վրա:¹⁰ Բացի այդ, ԱՄԿ տվյալներով՝ ամբողջ աշխարհում 2.41 միլիարդ աշխատող ենթարկվում է խորշակահարման, ինչը տարեկան հանգեցնում է մոտ 22.85 միլիոն ոչ մահացու վնասվածքների և 18,970 մահվան:¹¹ Ծայրահեղ եղանակային երևույթները կարող են վնաս պատճառել բիզնեսի ունեցվածքին, խթանել գործունեությունը և մատակարարման շղթաները, հանգեցնել աշխատատեղերի կորուստի, նվազեցնել արտադրողականությունը և վտանգել աշխատողների և գործատուների առողջությունն ու անվտանգությունը:

► Անհավասար անցումը հատուկ մարտահրավերներ է առաջացնում

Կլիմայական կամ բնապահպանական քաղաքականություններն ու կարգավորումները կարող են լուրջ մարտահրավերներ առաջացնել բոլոր տեսակի և չափի ձեռնարկությունների, ինչպես նաև այնտեղ աշխատողների համար: Այս միջոցառումները կարող են խթանել ոլորտային և մատակարարման շղթայի փոխակերպումները՝ պահանջելով ձեռնարկություններից զգալի

8 ԱՄԿ, 2022: [Կանաչ դարձնելով ձեռնարկությունները գործընթացների և աշխատավայրերի փոխակերպում](#):

9 Ադի, Լ. և այլք, 2025թ.: [Կլիմայական ռիսկի ինդեքս 2025թ.](#): Գերմանիոյ:

10 Օքսերա: 2024: [Ծայրահեղ եղանակային երևույթների տնտեսական արժեքը: Պատրաստվել է Միջազգային առևտրի պալատի համար](#):

11 ԱՄԿ, 2024թ. [Ջերմություն աշխատավայրում. հետևանքները անվտանգության և առողջության համար](#):

ներդրումներ ածխածնազերծման կամ հարմարվողականության գործընթացների մեջ, չնայած ֆինանսավորման մշտական բացերի առկայությանը: ձեռնարկությունները կարող են նաև բախվել որակավորված աշխատուժի պակասի, միևնույն աշխատողները՝ վերապատրաստման և սոցիալական պաշտպանության բացերի, այդ թվում՝ աշխատատեղերի կորստի: Բացի այդ, քանի որ կարգավորող շրջանակները արագ են փոփոխվում, բազմաթիվ ձեռնարկություններ կարող են դժվարությամբ համընթաց քայլել և կողմնորոշվել համապատասխանության փոփոխվող պահանջների պայմաններում:¹²

Ավելի լայն առումով, կլիմայական և բնապահպանական քաղաքականության մշակման գործընթացում սոցիալական երկխոսության բացակայությունը կարող է անտեսել իրական տնտեսության դերակատարների՝ ինչպիսիք են աշխատողներն ու գործատուները՝ կազմակերպությունները, մտահոգությունները, այդպիսով խաթարելով նման միջոցառումների նկատմամբ պատասխանատվությունը: Մասնավորապես, ոչ ֆորմալ տնտեսության դեպքում՝ երբ աշխատողներն ու ձեռնարկությունները հաճախ դուրս են մնում երկխոսության գործընթացներից, նրանց առանձնահատուկ սահմանափակումները կարող են քաղաքականության ձևավորման ընթացքում չհաշվարկվել:

➤ Էներգետիկ անվտանգության ռիսկեր

Մասնավորապես շատ զարգացող երկրներում հուսալի և մատչելի էներգիայի սահմանափակ հասանելիությունը դեռևս ձեռնարկությունների գործունեության և աճի հիմնական խոչընդոտն է:¹³ Այս մարտահրավերը կարող է սրվել ծայրահեղ եղանակային երևույթների հետևանքով, որոնք վնասում են էներգետիկ ենթակառուցվածքները: Միևնույն ժամանակ, էներգետիկ ոլորտի ածխածնազերծման ջանքերը թափ են հավաքում ստեղծելով բիզնեսի և զբաղվածության զգալի հնարավորություններ: Այնուամենայնիվ, հատկապես մի շարք զարգացող երկրներում, քաղաքականության բացերը շարունակում են պահպանվել, իսկ կայուն էլեկտրաէներգիայի անցման համար անհրաժեշտ բարձր կապիտալ ծախսերը շարունակում են խոչընդոտել առաջընթացը¹⁴՝ ստեղծելով դժվարություններ այն ձեռնարկությունների համար, որոնք ձգտում են ապահովել մաքուր, մատչելի և հուսալի էներգիայի հասանելիություն:

➤ Բազմազան սպառնալիքներ ձեռնարկությունների տարբեր խմբերի համար

Տարբեր տեսակի ձեռնարկություններ կարող են բախվել կլիմայի փոփոխությունից և դրան առնչվող քաղաքականությունից առաջացած տարբեր ռիսկերի:

ՄՓՄՁ-ն երկրների մեծ մասում զբաղվածության հիմնական աղբյուրն է:¹⁵ Կլիմայական ազդեցությունները կարող են նվազեցնել ՄՓՄՁ-ի արտադրողականությունը և ակտիվների արժեքը՝ խաթարելով գործունեությունը և ֆինանսական արդյունավետությունը:¹⁶ Բացի այդ, կլիմայական քաղաքականությունները, կարգավորող պահանջները և խոշոր ընկերությունների չափանիշներին համապատասխանելու համար արժեքի շղթայի ճնշումները կարող են փորձել ՄՓՄՁ-ը մղել դեպի ածխածնազերծման և հարմարվողականության ուղիներ: Այնուամենայնիվ դրանց հետ կապված ծախսերը շարունակում են մնալ լուրջ խոչընդոտ, և շատ ձեռնարկություններ կարող են չունենալ անհրաժեշտ ռեսուրսներ, տեխնիկական գիտելիք, վարկերի, ապահովագրության կամ ներդրումների հասանելիություն, ինչպես նաև նորարարությունների կամ հարմարվողականության կարողություն: Սահմանափակումների պայմաններում նրանք կարող են կանգնել բարդ ընտրության առջև՝ անմիջական կլիմայական ռիսկերը կառավարելու և երկարաժամկետ ներդրումային նախաձեռնություններն իրականացնելու գործընթացների միջև:¹⁷

12 Օրինակ՝ տե՛ս՝ ԱՄԿ, 2022. [Ինչպես կարող է ՄՓՄՁ-ն նպաստել արդար անցման և օգտվել դրանից:](#)

13 Օրինակ, տե՛ս՝ ՄԱԿ-ի Առևտրի և զարգացման համաժողով, 2017: [Փոպակերպվող էներգիայի հասանելիություն:](#) Զաղաքականության համառոտագիր թիվ 55:

14 Համաշխարհային բանկ, 2024: [Կարևորագույն կապ. էլեկտրական ծառայությունների հզորացումն էներգետիկ անցման համար:](#)

15 ԱՄԿ, 2019: [Փոքրը նշանակություն ունի. ինքնագրադների, միկրոձեռնարկությունների և ՓՄՁ-ի կողմից զբաղվածության մեջ ներդրման վերաբերյալ գլոբալ ապացույցներ:](#)

16 Համաշխարհային բանկ, 2022թ.: [Փոքր և միջին ձեռնարկությունների համար պետական վարկային երաշխիքների սխեմաներում կլիմայի փոփոխության մեղմման և հարմարվողականության ինտեգրման ուղեցույցներ:](#)

17 ԱՄԿ, 2022: [Ինչպես կարող է ՄՓՄՁ-ն նպաստել արդար անցման և օգտվել դրանից:](#)

Ոչ ֆորմալ տնտեսության տնտեսական միավորները հատկապես զարգացող երկրներում, հաճախ բնորոշվում են արժանապատիվ աշխատանքի բացերով: Կլիմայի փոփոխությունը կարող է խորացնել այդ բացերը, քանի որ ոչ ֆորմալ ձեռնարկություններն ու այնտեղ աշխատողները չափազանց սահմանափակ կարողություններ ունեն դրա հետևանքներին դիմակայելու համար: Թե՛ քաղաքային, թե՛ գյուղական վայրերում կլիմայական ցնցումները կարող են լրջորեն խաթարել ոչ ֆորմալ տնտեսությանում առկա կենսապահովման միջոցները և խորացնել աղքատությունը:¹⁸ Քանի որ վերականգնումը բարդ գործընթաց է, ոչ ֆորմալ ձեռնարկություններն ու աշխատողները սովորաբար պաշտպանված չեն բնապահպանական կամ այլ օրենքներով, ինչը նրանց դարձնում է առավել խոցելի կլիմայի փոփոխության նկատմամբ:¹⁹

Կոոպերատիվները և այլ ՍՀՏ միավորները հաճախ գործում են խոցելի խմբերի և առավել անպաշտպան իրավիճակում գտնվող անձանց կարիքները բավարարելու նպատակով, ովքեր արդեն իսկ առավել ենթակա են կլիմայական ազդեցություններին: Այնուամենայնիվ, նման շատ կառույցներ գործում են կլիմայազգայուն ոլորտներում, ինչպիսին է գյուղատնտեսությունը, և կարող են բախվել այնպիսի ռիսկերի, ինչպիսիք են ցածր բերքատվությունը, եկամտի կորուստը, վարկային կամ սևանկության ռիսկերը և այլն:²⁰ Միևնույն ժամանակ կոոպերատիվներ և այլ ՍՀՏ միավորներ մասնակցում են հանուն կլիմայի գործողություններին, նրանք հաճախ բախվում են տեխնիկական և ֆինանսական սահմանափակումների՝ հարմարվողականության կամ ցածր ածխածնային դիմակայություն ունեցող տնտեսության անցնելու ճանապարհին:

Խոշոր ձեռնարկությունները, այդ թվում՝ բազմազգ կորպորացիաները, նույնպես բախվում են իրենց գործունեության և աշխատողների համար կլիմայի ազդեցությունից առաջացող անմիջական ռիսկերի, ինչպես նաև ածխածնազերծման կամ հարմարվողականության հետ կապված մարտահրավերների: Նրանք կարող են նաև ստիպված լինել կողմնորոշվել տարբեր իրավասություններում գործող կլիմայական տարբեր կարգավորումների, ներդրողների առաջնահերթությունների փոփոխության, բնապահպանական, սոցիալական և կառավարման (ԲՍԿ) աճող սպասումների, սպառողների նախասիրությունների փոփոխությունների և հեղինակության ռիսկերի հետ: Բացի այդ, գլոբալացված մատակարարման շղթաներում կլիմայական ցնցումները հիմնական արտադրության կամ արդյունահանման վայրերում կարող են ազդել թե՛ տեղական տնտեսությունների, թե՛ սահմանից դուրս տնտեսական համակարգերի վրա:²¹ Մատակարարման շղթաներում բազմաթիվ խոշոր ձեռնարկությունների, ՄՓՄՁ-ի, կոոպերատիվների և այլ ՍՀՏ միավորների միջև փոխկապակցվածությունը բարդության ևս մեկ շերտ է ավելացնում դիմակայուն ցածր ածխածնային տնտեսության անցման գործընթացում ներգրավված բազմազան ձեռնարկությունների համար:

18 Օրինակ՝ տե՛ս՝ ԱՄԿ, 2022. [Կրկնակի անցում. ֆորմալացում և անցում դեպի շրջակա միջավայրի կայունություն՝ արժանապատիվ աշխատանքի հետ մեկտեղ](#); Սեպադի, ՄՄ 2025. [Կլիմայի փոփոխության ազդեցությունը փողոցային ոչ ֆորմալ վաճառողների վրա. համակարգված վերանայում Հարավային Աֆրիկային և այլ ազգերին օգնելու համար \(2015–2024\)](#), Մթնոլորտ 16(2): 179:

19 ԱՄԿ, 2022. [Ինչպես կարող է ՄՓՄՁ-ն նպաստել արդար անցմանը և օգտվել դրանից](#)։

20 Օրինակ, տե՛ս՝ Դենզ, Ս. և այլք, 2025: [Եղանակային ցնցումների ազդեցությունը գյուղական վարկային կոոպերատիվների վրա](#): Ֆինանսական հետազոտական նամակներ, 75:

21 Օ՛Նիլ, Բ., և այլք: 2022թ. [Հիմնական ռիսկերը տարբեր ոլորտներում և տարածաշրջաններում](#): Կլիմայի փոփոխություն 2022. Ազդեցություններ, հարմարվողականություն և խոցելիություն: II աշխատանքային խմբի ներդրումը Կլիմայի փոփոխության միջկառավարական խմբի վեցերորդ գնահատման զեկույցում: Քեմբրիջի համալսարանի հրատարակչություն, Քեմբրիջ, Մեծ Բրիտանիա և Նյու Յորք, Նյու Յորք, ԱՄՆ:

► 2.2. Մատակարարման շղթաներում բազմաթիվ խոշոր ձեռնարկությունների, ՄՓՄՁ-ի, կոոպերատիվների և այլ ՍՀՏ միավորների միջև փոխկապակցվածությունը բարդության ևս մեկ շերտ է ավելացնում դիմակայուն ցածր ածխածնային տնտեսության անցման գործընթացում ներգրավված բազմազան ձեռնարկությունների համար:

ԱՍԳ-ն մշակելիս կայուն ձեռնարկությունների միջոցով արդար անցման խթանման վրա կենտրոնանալն երկրներին տրամադրում է Էական հիմնաքարեր, որոնք կարող են համահունչ լինել ազգային առաջնահերթություններին՝ միաժամանակ ապահովելով, որ հանուն կլիմայի գործողությունը կմեծացնի արժանապատիվ աշխատանքի հնարավորությունները՝ ստեղծելով ավելի շատ և ավելի լավ աշխատատեղեր:

► Տնտեսական աճի ապահովում՝ սոցիալական, բնապահպանական և զբաղվածության ոլորտում ձեռքբերումներով

ԱՍԳ-ի իրականացումը կապահանջի բազմաթիվ առկա ոլորտների փոխակերպում և նոր՝ ցածր արտանետումներով ոլորտների զարգացում: Սա Էապես կախված է գործող բիզնեսների փոխակերպումից և նոր ձեռնարկությունների ի հայտ գալուց: Այս համատեքստում տարբեր տեսակի և չափի կայուն ձեռնարկությունների վրա կենտրոնանալը կարող է նպաստել բնապահպանական ձեռքբերումների հետ մեկտեղ տնտեսական աճի խթանմանը՝ միաժամանակ խթանելով սոցիալական և զբաղվածության ձեռքբերումները:

Չնայած դեպի ցածր ածխածնային տնտեսություն անցումը կարող է որոշակի տնտեսական մարտահրավերներ առաջացնել, հնարավորությունները նշանակալի են: Օրինակ՝ մաքուր Էներգիայի արտադրությունը կազմել է Չինաստանի ՀՆԱ-ի աճի մոտ 5 տոկոսը 2023 թվականին²² ինչը ընդգծում է այդ ոլորտի ընդլայնվող դերը տնտեսությունում: Ավելին, մի շարք երկրներում մաքուր Էներգիայի արտադրության մեջ ներդրումները զգալի աճ են ապրել՝ պայմանավորված արդյունաբերական աջակցության քաղաքականությունների և աճող շուկայական պահանջարկի շնորհիվ՝ ապահովելով համոզիչ տնտեսական արդարացում: Նման զարգացող կամ անցումային ոլորտներում կայուն ձեռնարկությունների զարգացումը ներուժ ունի ստեղծելու ավելի շատ աշխատատեղեր, բարելավելու աշխատանքային պայմանները և բարձրացնելու կենսամակարդակը:

► Տնտեսական դիվերսիֆիկացման ապահովում՝ նոր բիզնես հնարավորությունների ստեղծման միջոցով

Կլիմայի փոփոխության համատեքստում տնտեսական դիվերսիֆիկացումը կարևոր նշանակություն ունի շատ երկրների համար, օրինակ՝ այն տարածքներում, որոնք մեծապես կախված են բարձր արտանետումներով ոլորտներից:²³ Այն կարող է բացահայտել նոր բիզնես հնարավորություններ, և տարբեր տեսակի և չափի կայուն ձեռնարկությունների զարգացման միջոցով խթանել նոր ոլորտների աճը և ընդլայնել տնտեսական գործունեության շրջանակը: Արդար անցումը կարող է օգնել ներառականորեն կառավարել այս փոփոխությունները, միաժամանակ նպաստելով երկարաժամկետ տնտեսական աճին և արժանապատիվ աշխատատեղերի ստեղծմանը: Մի շարք երկրներում նոր տնտեսական կուտակումների

22 Կոզի, Լ. և այլք: 2024թ. [Մաքուր Էներգիան խթանում է տնտեսական աճը](#): ՄԷԳ:

23 ՄԱԿ-ի շրջանակային կոնվենցիան կլիմայի փոփոխության մասին, 2016: [Տնտեսական դիվերսիֆիկացման հայեցակարգը արձագանքման միջոցառումների համատեքստում](#): Տեխնիկական փաստաթուղթ:

(կլաստերների) զարգացումը, ՄՓՄԶ-ին աջակցությունը և ոչ ֆորմալ տնտեսության ֆորմալացումը դառնում են հիմնական ռազմավարական ուղիները:²⁴ Բացի այդ, կայուն ձեռնարկությունների զարգացման վրա կենտրոնականը որպես տնտեսական դիվերսիֆիկացման ջանքերի մաս կարող է ծառայել բիզնեսի արտադրողականության, տրարարության և մրցունակության բարձրացմանը:

➤ **Կլիմայի մեղմման և հարմարվողականության նպատակների իրականացում կանաչ և դիմակայուն բիզնեսների միջոցով**

Տարբեր տեսակի և չափի ձեռնարկությունները կարող են բացասական բնապահպանական ազդեցություն ունենալ: Օրինակ՝ ՓՄՁ-ն կազմում է Եվրոպայում արդյունաբերական աղտոտման 64 տոկոսը,²⁵ մինչդեռ ոչ ֆորմալ տնտեսության մեջ գործող տնտեսական միավորները, որոնցից շատերը կախված են բնական ռեսուրսներից և գործում են կարգավորող շրջանակներից դուրս, նույնպես բնապահպանական ռիսկեր են առաջացնում:²⁶ Միևնույն ժամանակ, շատ ձեռնարկություններ խիստ խոցելի են կլիմայի ազդեցությունների նկատմամբ և չունեն դիմակայունություն (տե՛ս ենթաբաժին 2.1): Կայուն ձեռնարկությունների զարգացման ինտեգրումը ԱՍԳ-ի մեջ կարող է առաջ մղել թե՛ մեղմման, թե՛ հարմարվողականության նպատակները՝ զբաղվածության ձեռքբերումների հետ մեկտեղ: Ձեռնարկությունների ածխածնազերծումը և դիմակայունության բարձրացումը նաև ձևավորում են ամուր բիզնեսի հիմնավորում, քանի որ դրանք կարող են հնարավորություն տալ մուտք գործել նոր շուկայական հնարավորությունների դաշտ, բարձրացնել արտադրողականությունը և տրարարությունը, ինչպես նաև նվազեցնել կլիմայական ռիսկերը:

Մեղմման նպատակներին աջակցելու համար հնարավոր է նվազեցնել արտանետումները՝ ցածր արտանետումներ ունեցող ոլորտներում կայուն ձեռնարկությունները զարգացնելով և իրականացնելով ձեռնարկությունների ածխածնազերծում, օրինակ՝ կանաչապատման գործողություններ, ռեսուրսների և Էներգիայի արդյունավետության բարելավում, շրջանաձև տնտեսության պրակտիկայի կիրառում կամ կայուն բիզնես մոդելների ներդրում: Հարմարվողականության ուղղությամբ կայուն ձեռնարկությունների, այդ թվում՝ ՄՓՄԶ և կոոպերատիվների, ինչպես նաև այլ ՍՀՏ միավորների զարգացումը կարող է ամրապնդել բիզնեսների կողմից հարմարվողականության համար անհրաժեշտ տեխնիկական կարողությունները և ֆինանսական հասանելիությունը, ինչպես նաև նպաստել ապահովագրական ծածկույթի հասանելիությանը՝ կլիմայական ցնցումներին դիմակայելու համար: Հարգացող հարմարվողականության ոլորտները, ինչպիսիք են կլիմայական խորհրդատվական ծառայությունները կամ Էկոհամակարգի վրա հիմնված լուծումները, ի թիվս այլոց, նույնպես կարող են հնարավորություններ ներկայացնել կայուն ձեռնարկությունների զարգացման, աշխատողների պաշտպանության և աշխատատեղերի ստեղծման համար:²⁷

Բացի այդ, ոչ ֆորմալ ձեռնարկությունների ֆորմալացումը ներուժ ունի խթանելու ավելի արդյունավետ բնապահպանական գործելակերպերը, ճանաչելու այն բնապահպանական ծառայությունները, որոնք արդեն մատուցվում են, միաժամանակ պաշտպանելով աշխատուժի լայն հատված, հատկապես զարգացող երկրներում: Օրինակ, կոոպերատիվներն ու այլ ՍՀՏ միավորները կարող են ոչ միայն նպաստել ֆորմալացմանը, այլև ամրապնդել համայնքի ներգրավվածությունը և խթանել կայունության սկզբունքներին և արժանապատիվ աշխատանքի չափանիշներին համապատասխանող ձեռնարկությունները:²⁸

Բազմաթիվ ձեռնարկությունների համար բնապահպանական կայունությունը դարձել է տնտեսական կատարողականի հետ մեկտեղ հիմնական գործոն:²⁹ Ոմանք նաև մասնակցում են ածխածնի շուկաներին:³⁰ Պատասխանատու գործարար վարքագիծ որդեգրելով³¹՝ նման ձեռնարկությունները կարող են ձեռնարկել մեղմման և հարմարվողականության ջանքեր՝ միաժամանակ կառավարելով այդ միջոցառումների

24 Օրինակ, տե՛ս՝ Նախագահական կլիմայի հանձնաժողով, 2022թ. [Հարավային Աֆրիկայում արդար անցման շրջանակ](#):

25 ԱՄԿ, 2022. [Կանաչ դարձնելով ձեռնարկությունները. գործընթացների և աշխատավայրերի փոխակերպում](#):

26 ԱՄԿ, 2022: [Կրկնակի անցում. ֆորմալացում և անցում դեպի շրջակա միջավայրի կայունություն՝ արժանապատիվ աշխատանքի հետ մեկտեղ](#):

27 Օրինակ, տե՛ս՝ ԱՄԿ, 2018. [Կլիմայի փոփոխության հարմարվողականության ազդեցությունը զբաղվածության վրա](#): G20-ի Կլիմայի կայունության աշխատանքային խմբի մուտքային փաստաթուղթ:

28 Օրինակ՝ տե՛ս՝ ԱՄԿ, 2019. [Աղբահավաքների կոոպերատիվներ և սոցիալական ու համերաշխության տնտեսության կազմակերպություններ](#): ԱՄԿ, 2016. [Համագործակցային միջոց ընկի ժողովուրդներին հզորացնելու համար](#):

29 ԱՄԿ, 2022. [Կանաչ դարձնելով ձեռնարկությունները. գործընթացների և աշխատավայրերի փոխակերպում](#):

30 Օրինակ՝ տե՛ս՝ [ԵՄ արտանետումների առևտրային համակարգ](#):

31 Ավելի շատ տեղեկությունների համար տե՛ս՝ [ԱՄԿ Օգնության ծառայություն. Բիզնեսը և արդար անցումը](#):

սոցիալական հետևանքները: Օրինակ, կայուն ձեռնարկությունները կարող են աջակցել արդար անցման գործընթացին՝ պահպանելով աշխատանքի հիմնարար սկզբունքների և իրավունքների նկատմամբ հարգանքը, անցկացնելով մարդու իրավունքների պահպանման համապարփակ գնահատում անցումային գործընթացների ցանկացած բացասական ազդեցություն հասցեագրելու համար, և ավելացնելով արժանապատիվ զբաղվածության հնարավորությունները:

➤ **Նորարարության և տեխնոլոգիաների փոխանցման խթանում**

Նորարարությունը կենսական նշանակություն ունի կլիմայի փոփոխության հաղթահարման համար, քանի որ բազմազան ձեռնարկությունները նպաստում են ցածր արտանետումների տեխնոլոգիաների զարգացմանը, ավելի կանաչ արտադրությանը և բարելավում են թափոնների կառավարումը: Այն ներկայացնում է ամուր բիզնես հիմնավորում բարձրացնելով արդյունավետությունը, նվազեցնելով ծախսերը և բացելով նոր շուկաներ: Նորարարությունը կարող է նաև խթանել արդյունաբերության զարգացումը և տնտեսության դիվերսիֆիկացումը՝ միաժամանակ բարձրացնելով դիմակայունությունը, խթանելով մրցունակությունը և ստեղծելով աշխատատեղեր:³²

Շատ զարգացող երկրների համար տեխնոլոգիաների փոխանցումը կարևորագույն նշանակություն ունի Էկոլոգիապես նպաստավոր տեխնոլոգիաների հասանելիության և դրանց ներդրման համար: Կայուն ձեռնարկությունները կարող են առանցքային դեր խաղալ նման տեխնոլոգիաների ներդրման և տեղայնացման գործում: Նախաձեռնությունները ավելի ու ավելի են ընդլայնում կապերը տեխնոլոգիաների մատակարարների և օգտագործողների միջև՝ այդ թվում՝ ներառելով թե՛ բազմազգ ընկերություններին, թե՛ ՓՄՁ-ին:³³ Այնուամենայնիվ, ֆինանսավորման հասանելիության բացակայությունը շարունակում է մնալ Էական խոչընդոտ, մասնավորապես՝ ՄՓՄՁ-ի համար, որոնք չունեն բավարար ռեսուրսներ նորարարության մեջ ներդրումներ կատարելու համար:

Ավելին, նորարարությունն առևտրային ձևաչափերի և բիզնես մոդելների մեջ, օրինակ՝ ՍՀՏ միավորների կողմից կիրառվող մոդելների շրջանակում,³⁴ կարող է նաև խթանել հասուն կլիմայի գործողությունը՝ միաժամանակ ստեղծելով սոցիալական արժեք:

➤ **Մատակարարման և արժեքի շղթաների ամրապնդում**

Համաշխարհային և ներքին մատակարարման ու արժեքի շղթաների համար կլիմայական ռիսկերի աճի պայմաններում կայուն ձեռնարկությունները կարևոր դեր ունեն դիմակայունության բարձրացման, արտանետումների կրճատման և բիզնեսի շարունակականության ապահովման գործում: Օրինակ, Շուկայական համակարգերի զարգացման (ՇՀՀ) մոտեցումը կարող է աջակցել արժեքի շղթաների շրջանակներում գործող ՄՓՄՁ-ին և կոոպերատիվներին՝ շրջակա միջավայրի և արժանապատիվ աշխատանքի մարտահրավերները հաղթահարելու համար:³⁵ Բացի այդ, վերջնական արտադրանքներ արտադրող և սպառողին մատակարարող ընկերությունները կարող են աջակցել մատակարարներին, օրինակ ՄՓՄՁ-ին, բարելավել կառավարման գործելաոճերը, արտադրանքի որակը և համապատասխանությունը չափանիշներին, միաժամանակ ապահովելով ներդրումներ, երկարաժամկետ պայմանագրեր և նախնական կապիտալ՝ արդիականացումները ոյուրացնելու համար:³⁶ Խոշոր ձեռնարկությունները, պատասխանատու բիզնես գործելաոճ ընդունելով, կարող են նաև օգնել կառուցել կլիմայի նկատմամբ դիմակայուն մատակարարման և արժեքի շղթաներ՝ միաժամանակ ապահովելով աշխատանքային իրավունքների հանդեպ անցման սոցիալական ազդեցությունների համապարփակ գնահատումը:

➤ **Չանտեսելով ոչ մի բիզնես և ոչ մի աշխատող**

Որպեսզի ԱՍԳ-ն արդյունավետորեն հասցեագրի արդեն իսկ սոցիալ-տնտեսական խոցելիություն ունեցող անձանց՝ կանանց, բնիկ և ցեղային ժողովուրդների, հաշմանդամություն ունեցող անձանց և այլոց կարիքները՝ շատ կարևոր է հաշվի առնել նրանց առաջ կանգնած կոնկրետ մարտահրավերները և

32 Օրինակ, տե՛ս՝ Նախագահական կլիմայի հանձնաժողով: 2022թ. [Հարավային Աֆրիկայում արդար անցման շրջանակ](#):

33 Օրինակ՝ տե՛ս՝ [WIPO GREEN – Կայուն տեխնոլոգիաների շուկա](#):

34 Ավելի շատ տեղեկությունների համար տե՛ս՝ [ՍՀՏ. Բնապահպանական կայունություն](#):

35 ԱՄԿ, 2024: [Արդար անցման համար շուկայական համակարգերի զարգացում. Ի՞նչ է դա իրականում նշանակում դոնորների և մասնագետների համար](#):

36 ԱՄԿ, 2022: [Ինչպես կարող է ՄՓՄՁ-ն նպաստել արդար անցման և օգտվել դրանից](#):

օգտագործել ի հայտ եկող հնարավորությունները: Արդար անցումը և կայուն ձեռնարկությունների զարգացումը կարող են հնարավորություն ստեղծել բազմազան խմբերի՝ ներգրավվելու հանուն կլիմայի գործողությանը՝ որպես աշխատողներ և որպես գործատուներ: Օրինակ, Կանանց ձեռներեցության զարգացման (ԿՁԶ) ինտեգրումը անցման գործընթացներում կարող է օգնել հաղթահարել համակարգային սոցիալ-տնտեսական խոչընդոտները և հզորացնել կանանց՝ որպես կանաչ տնտեսության նորարարների:³⁷

Ավելին, շատ զարգացող երկրներում խոցելի խմբերը հաճախ ներգրավված են ոչ ֆորմալ տնտեսության մեջ: Այս առումով, աջակցումը ՄՓՄՁ-ին, կոոպերատիվներին և այլ ՍՀՏ միավորներին կարող է զգալիորեն նպաստել դրանց դիմակայունության, տնտեսական հզորացման և ֆորմալացման գործընթացներին:³⁸ Պատասխանատու գործարար վարքագծին առնչվող նախաձեռնությունները նույնպես կարող են արժեքավոր դեր խաղալ այս ջանքերին աջակցելու գործում: Բացի այդ, արդյունավետ միջամտությունները կարող են ուղղորդել տվյալահեն քաղաքականությունների մշակումն՝ օրինակ՝ ռազմավարական ոլորտների վերաբերյալ ուսումնասիրությունների անցկացումը և բազմազան ձեռնարկությունների առջև ծառացած հիմնական մարտահրավերների և հնարավորությունների ուրվագծումը:

➤ Արդար անցման համար ֆինանսական ներդրումների խթանում

Կայուն ձեռնարկությունների զարգացման նպատակային ֆինանսական ներդրումը կարևոր նշանակություն ունի արդար անցման և արժանապատիվ աշխատանքի ստեղծման համար: ՄՓՄՁ-ից և կոոպերատիվներից մինչև խոշոր ընկերություններ, ձեռնարկությունները կայուն գործելակերպեր ներդնելու, ածխածնազերծելու, դիմակայունություն ձևավորելու կամ ձեռնարկության մակարդակում անցումներ՝ սկսած հմտությունների զարգացումից մինչև նորարարություն իրականացնելու համար կարիք ունեն ֆինանսավորման և ապահովագրության հասանելիության: Այնուամենայնիվ, ֆինանսավորման սահմանափակ հասանելիությունը շարունակում է մնալ լուրջ խոչընդոտ, հատկապես՝ բարձր նախնական ծախսեր կամ ենթադրյալ ռիսկեր ունեցող նախաձեռնությունների համար, ինչը դանդաղեցնում է դիմակայուն ցածր ածխածնային տնտեսության անցման գործընթացը:

Թեև հանրային ֆինանսավորումը Էական է այնպիսի ոլորտների համար, ինչպիսիք են սոցիալական պաշտպանությունը, վերապատրաստումը և վերականգնումը, մասնավոր ֆինանսավորումը հատկապես կարևոր է գործողությունների ընդլայնման համար: ԱՄԳ-ն կարող է կլիմայական պարտավորություններին կից ուղեկցվել համապարփակ ֆինանսավորման ռազմավարություններով, որոնք հստակորեն կենտրոնանում են արդար անցման և կայուն ձեռնարկությունների զարգացման վրա: Բացի այդ, օրինակները ցույց են տալիս, որ ավելի ակտիվ կլիմայական քաղաքականություն ունեցող երկրները հակված են ներգրավել ավելի մեծ ծավալի կանաչ, «գրյոյց սկսող» Արտաքին ուղղակի ներդրումներ (ԱՌԻՆ):³⁹

Ֆինանսական հաստատությունները՝ սկսած զարգացման բանկերից, առևտրային բանկերից և միկրոֆինանսական հաստատություններից (ՄՖՀ), ՍՀՏ ֆինանսական կառույցներից և մասնավոր ներդրողներից մինչև ապահովագրական ընկերությունները, կարող են առանցքային դեր խաղալ:⁴⁰ Համագործակցության և ռիսկերի համատեղ կառավարման միջոցով նրանք կարող են ընդլայնել կապիտալի հասանելիությունը բոլոր տեսակի և չափի ձեռնարկությունների համար, ներառյալ ՄՓՄՁ-ը, կոոպերատիվները և այլ ՍՀՏ միավորները: Ապահովագրությունը հատկապես կարևոր է ենթադրյալ ռիսկերի նվազեցման, վարկային հասանելիության մեծացման և կլիմայի փոփոխության հարմարվողականության աջակցման գործում: Բանկերն ու ներդրողները կարող են կապիտալ ներգրավել՝ օգտագործելով կանաչ, սոցիալական և կայունության հետ կապված ապրանքներ և գործիքներ, այդպիսով խրախուսելով սոցիալապես շրջակա միջավայրի համար պատասխանատու բիզնես գործելակերպը:

37 Օրինակ՝ տե՛ս՝ ԱՄԿ, 2024. [Եզիպտոսում կանանց ձեռներեցության զարգացման և զենդեային հավասարության խթանում՝ արդար անցման համար](#):

38 Օրինակ՝ տե՛ս՝ ԱՄԿ, 2022. [Բնիկ ժողովուրդներ և արդար անցում բոլորի համար](#); ԱՄԿ, 2019. [Աղբահավաքների կոոպերատիվներ և սոցիալական ու համերաշխության տնտեսության կազմակերպություններ](#); ԱՄԿ, 2016. [Համագործակցային միջոց բնիկ ժողովուրդներին հզորացնելու համար](#):

39 Փիենկնագուրա, Ս. 2024թ. [Կլիմայական քաղաքականությունները որպես խթանիչ կանաչ ԱՌԻՆ-ի համար](#): ԱՄՇ Աշխատանքային փաստաթուղթ:

40 Օրինակ՝ տե՛ս՝ ԱՄԿ և ՄԱԿ-ի ՇՄԾ ֆինանսական նախաձեռնություն: 2023թ. [Արդար անցման ֆինանսներ. ուղիներ բանկային և ապահովագրական ոլորտների համար](#):

3. Ինչպիսի՞նն է ԱՍԳ-ում կայուն ձեռնարկությունների ընդգրկման ներկայիս իրավիճակը:

ԱՄԿ-ի⁴¹ կողմից 2024 թ. հուլիսի 12-ին ներկայացված ԱՍԳ-ի քարտեզագրումը ցույց է տալիս, որ 193 երկրներից 72-ը (39 տոկոս) իրենց երկրների ԱՍԳ-ում բացահայտ հղումներ են կատարել արդար անցմանը՝ ցույց տալով, որ այս թեման սկսել է որոշակի ուշադրություն գրավել կլիմայի ազգային պլանավորման շրջանակում: Սակայն, արդար անցմանը նվիրված բաժինները հազվադեպ են հանդիպում ԱՍԳ-ի միայն 6 տոկոսում են դրանք ներառված: Այնուամենայնիվ, ԱՍԳ-ի մեծ մասը (68 տոկոս) ներառում է զբաղվածության հետ կապված հասկացությունների հղումներ, ինչը վկայում է հանուն կլիմայի գործողության և աշխատատեղերի միջև կապի աճող ճանաչմանը:

Կարևոր է նշել, որ ԱՄԿ քարտեզագրումը զգալի հղումներ է արձանագրում ձեռնարկությունների քաղաքականության տարրերին, որոնք կարող են ներառել բիզնեսի աջակցության համար այնպիսի միջոցառումներ, ինչպիսիք են՝ կայուն ձեռնարկությունների զարգացման, արտադրողականության աճի և նորարարության համար նպաստավոր միջավայրի ստեղծումը, ՄՓՄՁ-ին աջակցությունը, պատասխանատու գործարար վարքագծի հետ կապված նախաձեռնությունները, ձեռներեցությունը, ինչպես նաև մատակարարման և արժեքի շղթաները: Ամբողջ աշխարհում երկրների 56 տոկոսը իրենց ԱՍԳ-ում հղում են կատարում ձեռնարկությունների քաղաքականության տարրերին: Այս առումով առաջատարը բարձր և միջինից ցածր եկամուտ ունեցող երկրներն են՝ համապատասխանաբար 65 և 64 տոկոս ցուցանիշներով: Տարածաշրջանային մակարդակում Եվրոպան և Կենտրոնական Ասիան իրենց ԱՍԳ-ում ունեն ձեռնարկությունների քաղաքականության հետ կապված տարրերի ամենաբարձր ցուցանիշը՝ 69 տոկոս, որին հաջորդում է Աֆրիկան՝ 60 տոկոսով: Սա վկայում է աջակցող քաղաքականության միջավայրի և այն միջոցառումների կարևորության որոշակի գիտակցման մասին, որոնք թույլ են տալիս ձեռնարկություններին նպաստել ցածր ածխածնային տնտեսությունների անցմանը: Այնուամենայնիվ, այն նաև ընդգծում է այս քաղաքականության ոլորտի հանդեպ հետագա ուշադրության անհրաժեշտությունը՝ տնտեսական աճի, կայուն զարգացման և արժանապատիվ աշխատանքի խթանման գործում ունեցած կարևորության պատճառով:

41 ԱՄԿ, 2024թ. [Արդար անցման քարտեզագրումը ԱՍԳ-ում](#):

4. Ի՞նչ պետք է հիշել կայուն ձեռնարկությունները ԱՍԳ-ում ներառելիս:

➤ Գործընթացն է ձևավորում ձևը

ԱՍԳ-ն մշակելիս կամ իրականացնելիս սոցիալական երկխոսությունը հիմնարար նշանակություն ունի տնտեսության իրական դերակատարների, մասնավորապես՝ աշխատողների և գործատուների կազմակերպությունների հեռանկարներն ու մտահոգությունները հասկանալու համար: Այս գործընթացում արդյունավետ սոցիալական երկխոսության ապահովումը նպաստում է «արդար անցման» գաղափարի խարսխմանն իրական մարտահրավերների և հնարավորությունների մեջ, այդ թվում՝ կայուն ձեռնարկությունների խթանման առումով: Աշխատողների և գործատուների կազմակերպությունների ու աշխատանքի նախարարությունների մասնակցությունը, ինչպես նաև այլ համապատասխան նախարարությունների համակարգումը և շահագրգիռ կողմերի ներգրավումը խթանում է գործողություն հանուն կլիմայի ներգրավվածության համընդհանուր զգացումը՝ նպաստելով կայուն զարգացման բոլոր երեք հեռանկարներին՝ սոցիալական, տնտեսական և բնապահպանական բաղադրիչներով հանդերձ:

➤ Արդար անցման ամրագրում ԱՍԳ-ում

ԱՍԳ-ում կլիմայի նպատակների և արդար անցման միջև ամուր կապերի հաստատման համար Էսկան կլիմի հասցեագրել հանուն կլիմայի գործողության սոցիալական և զբաղվածության բաղադրիչները: Սա նաև ամրապնդում է կայուն ձեռնարկությունների զարգացման և արժանապատիվ աշխատանքային հնարավորությունների ստեղծման նկատմամբ հանձնառությունները՝ ապահովելով, որ կլիմայական քաղաքականությունները հիմնված լինեն սոցիալ-տնտեսական իրողությունների վրա և աջակցեն կայուն զարգացմանը: Համապարփակ մոտեցում ապահովելու համար, ԱՄԿ ուղեցույցներում ներկայացված քաղաքականության ինքնուրույնությունը կարող են հստակ ի ցույց դրվել:

Օրինակ՝ [Հարավաֆրիկյան Հանրապետություն \(2021\)](#)

«Հարավաֆրիկյան Հանրապետությունում արդար անցումը կենտրոնական նշանակություն ունի մեր զարգացման ուղին դեպի ավելի կայուն, կլիմայի փոփոխությանը դիմակայուն և ցածր ջերմոցային գազերի արտանետումներով զարգացումը խթանելու, միաժամանակ բոլորի համար ավելի լավ կյանք ապահովելու հարցում»:

Օրինակ՝ [Բրազիլիա \(2024\)](#)

«Բրազիլիայի ներքին տեսանկյունից, վերանայման փուլում գտնվող Կլիմայի փոփոխության ազգային քաղաքականությունն աննախադեպ կերպով կներառի իր իրավական շրջանակում արդար անցման և կլիմայական արդարության հասկացությունները: Առանց Բրազիլիայի իրավական համակարգում ամրագրված այլ սահմանումների հանդեպ նախապաշարմունքի՝ Բրազիլիան համարում է «արդար» սոցիալ-տնտեսական զարգացման մոդելի այն անցումը, որը ցածր ջերմոցային գազերի արտանետումներով և կլիմայական փոփոխություններին դիմակայելու կարողություն ունի՝ կայուն զարգացման և աղքատության վերացման ջանքերի համատեքստում»:

➤ **Տարբեր կայուն ձեռնարկությունները որպես գործողություն հանուն կլիմայի և արժանապատիվ աշխատանքի շարժիչ ուժեր**

ԱՍԳ-ի համար տարբեր ձևի և չափերի կայուն ձեռնարկությունների, այդ թվում՝ ՄՓՄԶ-ի, կոոպերատիվների և այլ ՍՀՏ միավորների դերի հստակ ընդգծումը կարևորագույն նշանակություն կունենա զբաղվածության ձեռքբերումների համար: ԱՍԳ-ն կարող է նաև ընդգծել արժանապատիվ աշխատատեղերի ստեղծման հետ կապված մարտահրավերներն ու հնարավորությունները, հատկապես՝ ոչ ֆորմալ աշխատողների, կանանց, հաշմանդամություն ունեցող անձանց, բնիկ ու ցեղային ժողովուրդների և նրանց, ովքեր արդեն իսկ սոցիալ-տնտեսապես խոցելի են: Կայուն ձեռնարկությունների խթանմանը կենտրոնացած մոտեցումը՝ թե՛ մեղմման, թե՛ հարմարվողականության միջոցառումների առումով, կարող է նաև կապվել որոշակի ոլորտների հետ:

Օրինակ՝ Հարավաֆրիկյան Հանրապետություն (2021)

«Հարավաֆրիկյան Հանրապետությունը կծգտի զարգացնել փոքր, միջին և միկրոձեռնարկությունները, այդ թվում՝ էներգետիկ ծառայություններ մատուցող ընկերությունները, նորարարական տեխնոլոգիաներ ներդնելու և կայուն աշխատատեղեր ստեղծելու համար»:

Օրինակ՝ Մոլդովայի Հանրապետություն (2020)

«Խթանել ՓՄՁ-ների համագործակցությունը այլ բիզնեսների կամ հանրային կառույցների հետ՝ ոլորտային կամ տարածաշրջանային մակարդակներում գործընկերություններ և կոոպերատիվներ ձևավորելու, ռեսուրսներ և ֆինանսավորում համախմբելու՝ տնտեսական և եղանակային ցնցումներից ինքնաապահովագրվելու համար»:

Օրինակ՝ Ուգանդա (2022)

«Չնայած ստեղծված նոր աշխատատեղերի 65%-ը գտնվում է ուրբանական կենտրոններում, ուրբանական տարածքներն արդյունավետ չեն եղել ֆորմալ աշխատավարձերի աճի և աշխատատեղերի ստեղծման խթանման հարցում՝ մեծ չափով ոչ ֆորմալ հատվածի առկայության պատճառով: Ուգանդան ունի երկակի տնտեսություն, որտեղ ոչ ֆորմալ հատվածը զգալի մասնաբաժին է կազմում ՀՆԱ-ում (51%): Մասնավոր հատվածում գերակշռում են միկրո, փոքր և միջին ձեռնարկությունները, որտեղ աշխատում են մոտ 2.5 միլիոն մարդ: Ոչ ֆորմալ տնտեսության չափը և ազդեցությունը մեծ մրցակցություն են ստեղծում, ինչը սահմանափակում է ֆորմալ ձեռնարկությունների չափը»:

Օրինակ՝ Չիմբաբվե (2025)

Կենտրոնանալով զբոսաշրջության ոլորտի վրա՝ հարմարվողականության առաջնահերթ արդյունք է. «Էկոտուրիզմի ձեռնարկությունների ստեղծում և/կամ աջակցություն»-ը:

➤ **Կայուն ձեռնարկությունների համար նպաստավոր միջավայրի ներդրում**

Նպաստավոր միջավայրը վերաբերում է այն պայմանների համակցությանը, որոնք ազդում են ձեռնարկության գործունեություն սկսելու, աճելու և արժանապատիվ աշխատատեղեր ստեղծելու կարողության վրա: Չնայած ԱՍԳ-ն նախաառաջ կլիմայական ծրագիր է, դա նաև ծառայում է որպես ազգային ներդրումային և զարգացման ծրագիր, և դրա իրագործումը կարող է չնախատեսված բացասական ազդեցություն ունենալ տարբեր տեսակի և չափի ձեռնարկությունների վրա: Այնուամենայնիվ, եթե դա խթանում է կայուն ձեռնարկությունների համար նպաստավոր միջավայր, ԱՍԳ-ն կարող է

առաջարկել քաղաքականության որոշակիություն և հստակ պարտավորություն մի շարք ոլորտներում, ինչպիսիք են ձեռնարկատիրական ծրագրերի աջակցությունը, բիզնեսի զարգացման ծառայությունների մատուցումը, պետական գնումների համակարգի օգտագործումը, խթանների կամ սուբսիդիաների տրամադրումը, կարգավորող կամ քաղաքականության բարեփոխումների իրականացումը և այլն: Նպաստավոր միջավայրը ներուժ ունի բարելավելու տնտեսական հեռանկարները, մասնավորապես՝ ՄՓՄՁ-ների և ՍՀՏ միավորների համար, հաղթահարել արժանապատիվ աշխատանքի բացերը, խթանել արտադրողականության արդյունավետությունը և նպաստել ոչ ֆորմալ տնտեսության մեջ տնտեսական միավորների ֆորմալացմանը՝ միաժամանակ ապահովելով, որ տնտեսական գործունեությունը մնա էկոլոգիապես կայուն: Նպաստավոր միջավայրի խթանումը կարող է նաև ենթադրել ԱՍԳ-ում մանրամասն նկարագրված արդյունաբերական քաղաքականության կամ այլ կառուցվածքային փոխակերպման ծրագրերի կապակցումը կայուն ձեռնարկությունների զարգացման և արժանապատիվ աշխատանքի ստեղծման նպատակների հետ: Բացի այդ, ԱՍԳ-ն կարող է ներառել նաև տեխնիկական աջակցության տրամադրման և տարբեր տեսակի ու չափի ձեռնարկություններին անցման գործընթացը հաղթահարելու կարողությամբ զինման պարտավորություններ:

Օրինակ՝ Օման (2023)

«Կձևավորվի ցածր ածխածնային բիզնես միջավայր՝ որտեղ մասնավոր հատվածը կստանձի առաջատար դեր և լիազորված կլինի խթանելու արդար տնտեսական աճն: Այս լիազորումը նպատակ ունի ստեղծել մրցունակ և նպաստավոր միջավայր մասնավոր հատվածի համար՝ խթանելով ազատ, սոցիալապես պատասխանատու և շրջակա միջավայրի համար կայուն արդյունաբերությունների զարգացումը»:

Օրինակ՝ Մոլդովայի Հանրապետություն (2020)

«Առաջ մղել կարգավորող և ֆինանսական խթանները, որոնք կարող են նպաստել ռիսկերի նվազեցմանը մասնավոր հատվածի դերակատարների շրջանում: Կառավարությունը պետք է դիտարկի խթաններ և համապատասխանության միջոցառումներ՝ խրախուսելու ՓՄՁ-ին կլիմայական դիմակայունության և բիզնեսի զարգացման ոլորտում ներդրումներ կատարելու համար»:

Օրինակ՝ Բրազիլիա (2024)

Բրազիլիայի ԱՍԳ-ն սահմանում է Էկոլոգիական փոխակերպման ծրագիրը (ԷՓԾ)՝ «ԱՍԳ-ն որպես ներդրումային հարթակ» հովանու ներքո: Փաստաթղթում նշվում է. «Որպես Բրազիլիայի կայուն զարգացման ներդրումային ծրագիր, Էկոլոգիական փոխակերպման ծրագիրը (ԷՓԾ) կվերակառուցի ազգային տնտեսական դիմամիկան՝ խթանելու կայուն զարգացումը՝ հիմնվելով տեխնոլոգիական նորարարության և բնական ռեսուրսների ռացիոնալ օգտագործման վրա: Աջակցելով Կլիմայական ծրագրի իրականացմանը՝ ԷՓԾ-ն կպատասխանի կլիմայական ճգնաժամի պայմաններում մեղմման և հարմարվողականության կարիքներին՝ միաժամանակ վերատեղադրելով Բրազիլիայի տնտեսությունը ցածր ածխածնային տնտեսական աճի լոռի ցիկլի մեջ: Ծրագիրը կբարձրացնի տնտեսական արտադրողականությունը՝ ստեղծելով արժանապատիվ աշխատանք, խթանելով կլիմայական արդարությունը և նվազեցնելով տարածաշրջանային, գենդերային և ռասայական անհավասարությունները»:

➤ Կենտրոնանալով մատակարարման և արժեքի շղթաների զարգացման ու ուժեղացման վրա

ԱՍԳ-ն կարող է ուրվագծել Նոր ապրանքային կամ հումքով պայմանավորված մատակարարման և արժեքի շղթաների մշակման ուղիներ, որոնք կամրապնդեն տեղական տնտեսությունները և կծառայեն իբրև բազմապատկող մեխանիզմներ՝ արժանապատիվ աշխատանքի հնարավորությունների ընդլայնման համար: Միևնույն ժամանակ, առկա մատակարարման և արժեքի շղթաների հզորացումը ևս կարևոր է՝ հաշվի առնելով կլիմայական ազդեցություններից և անցումային միջոցառումներից բխող սպառնալիքները, որոնք կարող են հետևանքներ ունենալ թե՛ ձեռնարկությունների, թե՛ զբաղվածության վրա:

Օրինակ՝ Շրի Լանկա (2021)

«Գյուղատնտեսության ոլորտում ջերմոցային գազերի կրճատումը պետք է իրականացվի մի քանի հիմնական ռազմավարությունների կիրառմամբ: Այդպիսի քայլերից մեկը բերքի արտադրության դիվերսիֆիկացումն է՝ շատ ջուր պահանջող բրնձի մշակումից մինչև արտահանման մեծ պահանջարկ ունեցող բարձրարժեք մշակաբույսեր: Այլ քայլ է արժեքի ավելացման բարելավումը և փոքր ֆերմերներին ժամանակակից գյուղատնտեսական արժեքի շղթաներում ավելի լավ ինտեգրումը, նվազեցնելով բերքի կորուստը»:

Օրինակ՝ Բրազիլիա (2024)

ԱՄԳ-ն ուրվագծում է Մեղմման ազգային նպատակները, որոնք «սահմանվել են որպես ջերմոցային գազերի արտանետումների կրճատման առավել համապատասխան գործողությունների ուղղությունների սահմանման հիմք, ինչին նախընտրելի է ուղղել պետական և մասնավոր ներդրումներն ու ջանքերը»: Դրանք ներառում են՝

- ▶ Կայուն կենսավառելիքի արտադրության ընդլայնում, տեխնոլոգիական նորարարության խթանում և կենսաէներգիայի հետ կապված արժեքի շղթաների զարգացում:
- ▶ Շրջանաձևության խթանում՝ արտադրական շղթաներում բնական ռեսուրսների կայուն և արդյունավետ օգտագործման միջոցով:

Էկոլոգիական փոխակերպման ծրագրի համաձայն՝ ԱՄԳ-ում նաև նշվում է. «Երկիրը կօգտվի իր բնապահպանական և կայունության համեմատական առավելություններից՝ մատակարարման շղթաների տեխնոլոգիական հարստացումը խթանելու, ինչպես նաև ազգային արտադրական կառուցվածքն ընդլայնելու և արդիականացնելու համար»:

➤ Պատասխանատու գործարար վարքագծի խթանում (ՊԳՎ)

ԱՄԳ-ում պատասխանատու գործարար վարքագծի խթանումն օգնում է հանուն կլիմայի գործողությունները համապատասխանեցնել այնպիսի գործարար գործելաոճերին, որոնք նպաստում են արժանապատիվ աշխատանքի ստեղծմանը: Այս համատեքստում կարևոր են ՊԳՎ-ի վերաբերյալ հիմնական միջազգային փաստաթղթերը, մասնավորապես՝ ԱՄԿ-ի՝ բազմազգ ձեռնարկություններին և սոցիալական քաղաքականությանն առնչվող սկզբունքների եռակողմ հռչակագիրը (ԲՍՁ Հռչակագիր), Մարդու իրավունքների վրա բիզնեսի ազդեցության մասին ՄԱԿ-ի առաջնորդող սկզբունքները և Տնտեսական համագործակցության և զարգացման կազմակերպության (ՏՀՀԿ) Պատասխանատու բիզնես վարքագծի վերաբերյալ բազմազգ ձեռնարկությունների համար ուղեցույցը: Հաշվի առնելով հանուն կլիմայի գործողությունների իրականացման գործում բիզնեսների կարևորագույն դերը՝ ՊԳՎ-ի խթանումը նպաստում է սոցիալական և բնապահպանական վնասի ռիսկի նվազեցմանը՝ միաժամանակ խթանելով արժանապատիվ աշխատանքը, սոցիալական ներառումը և տնտեսական դիմակայունությունը: Այն նաև նպաստում է արդար անցմանն աջակցող և արժանապատիվ աշխատանքը խթանող ներառական և կայուն առևտրի ու ներդրումային շրջանակների, ինչպես նաև արժեքի և մատակարարման շղթաների կառուցմանը: Այնուամենայնիվ, այն առանձնահատուկ տեղ չի զբաղեցրել ԱՄԳ-ի մեծ մասում, չնայած որոշները սկսել են ՊԳՎ-ի հետ կապված նախաձեռնությունները համադրել կլիմայական նպատակներին:

Օրինակ՝ Հորդանան (2021)

«Ամրապնդել մասնավոր հատվածի դերը իրենց Կորպորատիվ սոցիալական պատասխանատվության (ԿՄՊ) միջոցների հատկացման գործում՝ Էկոհամակարգերի և կենսաբազմազանության հարմարվողականության գործողությունների հետ կապված կանաչ ենթակառուցվածքների միջոցառումներին աջակցելու համար»:



Կայուն ձեռնարկությունների զարգացման և արդար անցման նպատակների ֆինանսավորման ինտեգրում ԱՍԳ-ում:

Արդար անցման հասնելու և մեղմման ու հարմարվողականության նպատակների իրականացման գործում դեռևս զգալի ֆինանսական բացեր կան: ԱՍԳ-ն, որը կարող է նաև ծառայել որպես ազգային ներդրումային ծրագիր, կարևոր քաղաքականության հարթակ է ապահովում կլիմայի և արդար անցման նպատակները, ներառյալ կայուն ձեռնարկությունների զարգացումը, ֆինանսավորման հոսքերի հետ համապատասխանեցնելու համար: Ձեռնարկությունների աջակցության միջոցառումների ներառումն ԱՍԳ-ում կարող է օգնել երկրներին ի ցույց դնել ներդրումային առաջնահերթությունները, բարձրացնել քաղաքականության թափանցիկությունն ինչպես ներքին, այնպես էլ միջազգային ներդրողների համար և ավելի լավ ուղղորդել հանրային բյուջեների և մասնավոր կապիտալի բաշխումը: Անհրաժեշտ ռեսուրսները արդյունավետորեն ներգրավելու համար ֆինանսավորման ռազմավարությունները կարող են հիմնվել պետական և մասնավոր, ներքին և միջազգային աղբյուրների համադրության վրա: Գործող դերակատարների լայն շրջանակներ՝ ինչպիսիք են զարգացման բանկերը, առևտրային բանկերը, ներդրողները և ապահովագրական հատվածը, կարող են օգտագործելով իրենց փոխլրացնող լիազորություններն ու ուժեղ կողմերը՝ նպաստել ձեռնարկությունների, այդ թվում՝ ՄՓՄՁ-ի և կոոպերատիվների ու ՍՀՏ միավորների, կապիտալի հասանելիության ոլորացմանը: Ֆինանսական հաստատությունները կարող են նաև աջակցել ոչ ֆորմալ տնտեսության միավորների ֆորմալացմանը: Բացի այդ, երբ ներդրումներն առաջնորդվում են ուժեղ համապարփակ գնահատման գործընթացներով և աջակցություն ստանում նորարարական ֆինանսական գործիքների կողմից, դրանք կարող են խթանել ձեռնարկությունների այնպիսի գործունեություն, որը նպաստում է ինչպես բնապահպանական, այնպես էլ սոցիալական նպատակներին:

Օրինակ՝ Օման (2023)

«Կենտրոնացումն ուղղված կլիմայի կապիտալի շուկայի ֆինանսական խորության ուժեղացմանը և կայուն ֆինանսավորման ապահովմանը՝ նորարարական մոդելների միջոցով արտադրողական ձեռնարկությունների, մասնավորապես՝ փոքր և միջին ձեռնարկությունների (ՓՄՁ) մեկնարկի համար: Օմանի ռազմավարական բարենպաստ աշխարհագրական դիրքը հիմնալի հնարավորություն է ընձեռում նպաստելու Օմանի մասնավոր ձեռնարկությունների և միջազգային բիզնես համայնքի միջև ներդրումային համագործակցությանը՝ ներգրավելով բարձրորակ արտաքին ուղիղ ներդրումներ կանաչ տեխնոլոգիաների ոլորտում և օգնել Օմանին դառնալ զուտ զրոյական մակարդակով (net zero) երկիր մինչև 2050 թվականը: Այս գլոբալ գործընկերությունները կընդլայնեն տնտեսական դիվերսիֆիկացումը և կխթանեն Օմանի ՀՆԱ-ի աճն՝ արտահանման ներդրումների մեծացման միջոցով»:

Օրինակ՝ Բրազիլիա (2024)

Էկոլոգիական փոխակերպման ծրագրի շրջանակներում ԱՍԳ-ն սահմանում է հանրային և մասնավոր ֆինանսավորման վերաբերյալ մի շարք գործիքներ, որոնք ներառում են՝

- ▶ Կայուն պետական պարտատոմսեր
- ▶ Կլիմայի հիմնադրամ՝ ստեղծված թիվ 12. 114/2009 օրենքով
- ▶ Բրազիլիայի՝ Արտասահմանյան մասնավոր կապիտալի մոբիլիզացման և արժույթային հեջավորման ծրագիր (Eco Invest Brasil Ծրագիր)
- ▶ Բրազիլիայի կայունության դասակարգիչ
- ▶ Հարկային բարեփոխում (սկսվել է 2023 թվականին)
- ▶ Բրազիլիայի կլիմայական ներդրումների և Էկոլոգիական փոխակերպման հարթակ (BIP)
- ▶ Բրազիլիայի արտանետումների առևտրային համակարգ (SBCE)

➤ Ածխածնի շուկաների օգտագործում կայուն ձեռնարկությունների և արժանապատիվ աշխատանքի համար

Քանի որ ածխածնի շուկաները շատ երկրների կողմից ավելի ու ավելի են դիտարկվում որպես արտանետումները կրճատելու կամ փոխհատուցելու միջոց, մասնավորապես՝ բարձր արտանետումներ ունեցող ոլորտներում, և եկամուտներ ստեղծելու կառավարությունների ու մասնակից կառույցների համար, կենսականորեն կարևոր է, որ դրանք նաև խթանեն արդար անցումը բոլորի համար: Մի կողմից, փոքր ձեռնարկությունները, նույնիսկ եթե ուղղակիորեն ներգրավված չեն ածխածնի շուկաներում, կարող են բախվել անուղղակի ազդեցությունների, ինչպիսիք են՝ խոշոր ընկերությունների կողմից փոխանցվող բարձրացված ծախսերը, հումքի և էներգիայի գների աճը և համապատասխանության գործընթացի լրացուցիչ ճնշումները: Մյուս կողմից, մասնակցությունը ածխածնի շուկաներին կարող է հնարավորություններ ստեղծել ձեռնարկությունների, այդ թվում՝ ՄՓՄՁ-ի, կոոպերատիվների և այլ ՍՀՏ միավորների համար՝ ստեղծելու նոր եկամտի հոսքեր և աջակցելու արժանապատիվ աշխատանքի ստեղծման: ԱՍԳ-ն կարող է ներառել պարտավորություններ՝ տարբեր տեսակի ձեռնարկությունների մասնակցությունն ածխածնի շուկաներին խթանելու վերաբերյալ՝ շրջակա միջավայրի բարելավման հետ զուգընթաց սոցիալական նպատակներին հասնելու համար:

Օրինակ՝ Վիետնամ (2022)

«Հզորացնել ձեռնարկությունների կարողությունները՝ վարկավորման ծրագրերին, նախագծերին մուտք գործելու և մասնակցելու ու ածխածնի շուկայի զարգացման գործընթացին ներգրավելու նպատակով»:

Օրինակ՝ Բրազիլիա (2024)

«Բրազիլիայի արտանետումների առևտրի համակարգ (SBCE). ածխածնի շուկայի կարգավորումը նպատակ ունի կրճատել ջերմոցային գազերի արտանետումները և խթանել ցածր ածխածնային տեխնոլոգիական նորարարություններ՝ նոր բիզնես հնարավորություններ ստեղծելու և Կլիմայի փոփոխության վերաբերյալ ազգային քաղաքականության և Բրազիլիայի կողմից ստորագրված միջազգային համաձայնագրերի իրականացմանը աջակցելու համար»:

➤ Բովանդակությունից իրականացում

Արդար անցման ինտեգրումը, մասնավորապես՝ կայուն ձեռնարկությունների զարգացման վրա կենտրոնանալով, կարևորագույն նշանակություն ունի ցանկացած ԱՍԳ-ի համար: Այնուամենայնիվ, ԱՍԳ-ի արդյունավետ իրականացումը կպահանջի բազմաթիվ նախարարությունների, այդ թվում՝ աշխատանքի նախարարության, և ՄՓՄՁ-ի համար պատասխանատու կառույցների, ինչպես նաև բիզնեսի զարգացման ծառայություններ մատուցող կամ կոոպերատիվներին խթանող պետական գործակալությունների ակտիվ ներգրավվածություն: Աշխատողների և գործատուների կազմակերպությունների իրական ներգրավվածությունը կլինի հիմնարար: Այս առումով, ԱՍԳ-ն, նույնիսկ ձևակերպման փուլում, պետք է ընդգծի ամբողջական կառավարություն և ամբողջական հասարակություն մոտեցման կարևորությունը՝ միաժամանակ հստակ ճանաչելով աշխատողների և գործատուների կազմակերպությունների կենսական դերն իբրև իրական տնտեսության դերակատարներ: Բացի այդ, ԱՍԳ-ի ներդրումային պլանավորումը արդար անցումային միջոցառումների և կայուն ձեռնարկությունների խթանման հետ կապն ապահովում է, որ ռազմավարություններն ունենան անհրաժեշտ ֆինանսական ռեսուրսներ՝ իրականացումը հնարավոր դարձնելու համար: Սա պահանջում է կապիտալ մատակարարների հետ վաղ և կայուն ներգրավվածություն՝ ֆինանսավորման հոսքերը իրական տնտեսության անցումային կարիքներին համապատասխանեցնելու համար:

Հիմնական ռեսուրսներ /անգլերեն/

- ▶ [ԱՄԿ-ի առաջարկ՝ արդար անցման և արժանապատիվ աշխատանքի համար ԱՄԳ-ն ամրապնդելու վերաբերյալ](#)
- ▶ [ԲԱԶ Հռչակագիր և Էկոլոգիապես կայուն տնտեսությունների և հասարակությունների արդար անցում](#)
- ▶ [ՓՄԶ-ի համար շրջակա միջավայրի կայունությանն ուղղված արդար անցումն իրականություն դարձնելը](#)
- ▶ [Արդար անցման ֆինանսներ, ուղիներ բանկային և ապահովագրական ոլորտների համար](#)
- ▶ [Բանկային և ներդրումային գործունեության համար արդար անցման ֆինանսային գործիք](#)
- ▶ [Սոցիալական և համերաշխության տնտեսություն, շրջակա միջավայրի կայունություն](#)
- ▶ [ԱՄԿ օգնության ծառայություն, Բիզնես և արդար անցում](#)
- ▶ [Կրկնակի անցում, ֆորմալացում և անցում դեպի շրջակա միջավայրի կայունություն՝ արժանապատիվ աշխատանքի հետ մեկտեղ](#)
- ▶ [Կանաչ դարձնելով ձեռնարկությունները, գործընթացների և աշխատավայրերի փոխակերպում](#)
- ▶ [Ածխածնի շուկաները և դրանց հետևանքները բոլորի արդար անցման համար](#)
- ▶ [ԱՄԿ-ի՝ բազմազգ ձեռնարկություններին և սոցիալական քաղաքականությանն առնչվող սկզբունքների եռակողմ հռչակագիր \(ԲԱԶ Հռչակագիր\)](#)
- ▶ [Մարդու իրավունքների վրա բիզնեսի ազդեցության մասին ՄԱԿ-ի առաջնորդող սկզբունքներ](#)
- ▶ [ՏՀԶԿ Պատասխանատու բիզնես վարքագծի վերաբերյալ բազմազգ ձեռնարկությունների համար ուղեցույցը](#)

Սոցիալական արդարության ապահովում, արժանապատիվ աշխատանքի խթանում

Աշխատանքի միջազգային կազմակերպությունը Միավորված ազգերի կազմակերպության մասնագիտացված հիմնարկ է, որն զբաղվում է աշխատանքի ոլորտի հարցերով: Մենք միավորում ենք կառավարություններին, գործատուներին և աշխատողներին՝ նպաստելու մարդակենտրոն մոտեցման խթանմանը աշխատանքի ապագայի համար՝ սոցիալական պաշտպանության և սոցիալական երկխոսության միջոցով աշխատատեղերի ստեղծման, աշխատանքի ոլորտում իրավունքների պաշտպանության:



Illustration generated with Adobe Firefly

ilo.org

Աշխատանքի միջազգային կազմակերպություն
Route des Morillons 4
1211 Geneva 22
Switzerland

**Կայուն ձեռնարկությունների,
արտադրողականության և արդար
անցման վարչություն (ENTERPRISES)**
ENTERPRISES@ilo.org

Այս աշխատանքի պատրաստման ընթացքում դիզայներն օգտագործել է Adobe Firefly՝ վերացական պատկերներ և նկարագրողմանը ստեղծելու համար: Դիզայները մանրակրկիտ ստուգել է բովանդակությունը և անհրաժեշտության դեպքում լիովին պատասխանատվություն է կրում դրա համար:



Այս աշխատանքը հասանելի է CC BY 4.0 արտոնագրով, որը թույլ է տալիս բովանդակության վերարտադրություն, տարածում և տեղայնացում (ներառյալ թարգմանությունը) ցանկացած նպատակով: Անհրաժեշտ է նշել Աշխատանքի միջազգային կազմակերպությունը (ԱՄԿ) որպես սկզբնական աղբյուր:

